



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ**

**Ո Ր Ո Շ ՈՒ Մ
ԸՆԴՀԱՏՈՒԹՅԱՆ ՎԵՐԱԲԵՐՅԱԼ ՎԵՃԸ ԼՈՒԾԵԼՈՒ ՄԱՍԻՆ**

2023 թվականի սեպտեմբերի 18-ին

ք.Երևանում

Ուսումնասիրելով թիվ ՄԴ1/0024/01/20 քրեական գործի ընդդատության վերաբերյալ վեճը լուծելու համար Վճռաբեկ դատարանի քրեական պալատի նախագահին դիմելու մասին Կոտայքի մարզի առաջին ատյանի ընդհանուր իրավասության դատարանի՝ 2023 թվականի սեպտեմբերի 4-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. 2020 թվականի օգոստոսի 4-ին Սյունիքի մարզի առաջին ատյանի ընդհանուր իրավասության դատարանում ստացվել է թիվ 90955619 (ՄԴ1/0024/01/20) քրեական գործն ըստ մեղադրանքի՝ Դավիթ Արարատի Առուստամյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 34-104-րդ հոդվածի 1-ին մասով, և 2020 թվականի օգոստոսի 5-ի որոշմամբ ընդունվել է նույն դատարանի դատավոր Հ.Մելիսկյանի վարույթ:

1.1. 2020 թվականի օգոստոսի 13-ին թիվ ՄԴ1/0024/01/20 քրեական գործը վերամակագրվել է Սյունիքի մարզի առաջին ատյանի ընդհանուր իրավասության դատարանի դատավոր Բ.Բախշիյանին:

1.2. 2022 թվականի մարտի 10-ին վերոնշյալ քրեական գործը վերամակագրվել է Սյունիքի մարզի առաջին ատյանի ընդհանուր իրավասության դատարանի դատավոր Վ.Զիվանյանին:

2. Սյունիքի մարզի առաջին ատյանի ընդհանուր իրավասության դատարանը 2023 թվականի հուլիսի 27-ին որոշում է կայացրել քրեական գործն ըստ ընդդատության Կոտայքի մարզի առաջին ատյանի ընդհանուր իրավասության դատարան ուղարկելու մասին:

3. Կոտայքի մարզի առաջին ատյանի ընդհանուր իրավասության դատարանը 2023 թվականի սեպտեմբերի 4-ի որոշմամբ, գործի ընդդատության վերաբերյալ վեճը լուծելու համար, դիմել է Վճռաբեկ դատարանի քրեական պալատի նախագահին:

4. Գործը Վճռաբեկ դատարանում ստացվել է 2023 թվականի սեպտեմբերի 11-ին:

Ընդդատության վերաբերյալ վեճի լուծման համար էական նշանակություն ունեցող փաստական հանգամանքները.

5. Սյունիքի մարզի առաջին ատյանի ընդհանուր իրավասության դատարանը, դեկլարավելով 1998 թվականի հուլիսի 1-ին ընդունված ՀՀ քրեական դատավարության օրենսգրքի (այսուհետ՝ ՀՀ քրեական դատավարության օրենսգիրք) 50-րդ հոդվածով, արձանագրել է. «(...) [Ը]ստ սույն գործի նյութերի՝ ամբաստանյալ Դ.Առուստամյանը, տուժող Հ.Գալստյանը և վկաներից մեկը քնակվում են ՀՀ Կոտայքի մարզում, իսկ վկաների ճնշող մեծամասնությունը քնակվում են Սյունիքի մարզի առաջին արյանի դատարանի դատական փարածքից դուրս, ամբաստանյալը միջնորդել է փոխել գործի փարածքային ընդդատությունը, հերևապես ընդդատությունը փոխելով չի տուժի արդարադատության շահը, ավելին՝ կապահովվի ողջամիտ ժամկետում գործի քննության սկզբունքը:

Դատարանի նման եզրահանգումը պայմանավորված է նաև այն հանգամանքով, որ 12.12.2022 թվականից առ այսօր Ադրբեջանի Հանրապետության կողմից փակ է պահվում Գորիս-Սյունիքի միջպետական

ավորճանապարհը, որի պարճառով հետաճգվել են ԱՀ Սրեփանակերը քաղաքում (...) սույն գործով նշանակված դատական նիստերը: Նույն պարճառով պայմանավորված ամբաստանյալը, տուժողը, Հայաստանի Հանրապետությունում բնակվող վկաները չեն կարողացել ներկայանալ ԱՀ Սրեփանակերը քաղաքում նշանակված դատական նիստերին: Նշված հանգամանքներից ելնելով, ինչպես նաև ճանապարհը բացվելու ժամկետի անորոշ լինելու պայմաններում, կարող է խախտվել դատավարության համապատասխան մասնակիցների արդար դատաբնության իրավունքը:

Այսպիսով, վերը նշված պարճառաբանությամբ Դատարանը գտնում է, որ սույն գործի տարածքային ընդդատությունը պետք է փոխել և այն ուղարկել Կոտայքի մարզի առաջին արյանի ընդհանուր իրավասության քրեական դատարան (...):¹:

6. Կոտայքի մարզի առաջին ատյանի ընդհանուր իրավասության դատարանի՝ 2023 թվականի սեպտեմբերի 4-ի որոշման համաձայն. «(...) Սույն քրեական գործի նյութերի ուսումնասիրությունից հետևում է, որ Դավիթ Արարատի Առուստամյանին վերագրվող՝ 2003 թվականի ապրիլի 18-ին ընդունված ՀՀ քրեական օրենսգրքի 34-104-րդ հոդվածի 1-ին մասով նախատեսված հանցանքը կատարվել է Սյունիքի մարզի առաջին արյանի ընդհանուր իրավասության դատարանի դատական տարածքում և փյալ գործն իրավացիորեն դատախազության կողմից ուղարկվել և շուրջ 3 տարուց ավելի քննվել է Սյունիքի մարզի առաջին արյանի ընդհանուր իրավասության դատարանում:

Միևնույն ժամանակ, քրեական գործի նյութերի ուսումնասիրությունից ակնհայտ է, որ գործով քրեական դատավարությանը մասնակցող անձանցից շատերը չեն բնակվում Կոտայքի մարզում, այլ նշված մարզում ընդհամենը բնակվում են ամբաստանյալը և տուժողը: Քրեական գործի մեղադրական եզրակացության ուսումնասիրությունից ակնհայտ է նաև, որ դատակոչված 13 վկաներից մի քանիսը բնակվում են ՀՀ տարբեր մարզերում, իսկ թվով 7 վկաներ հանդիսանում է Արցախի Հանրապետության ՊԲ տարբեր զորամասերի զինճառայողներ:

¹ Տե՛ս քրեական գործ, հատոր 10-րդ, թերթեր 240-242:

Այսինքն՝ սույն դեպքում բացակայում են ՀՀ քրեական դատավարության օրենսգրքի 50-րդ հոդվածի 1-ին մասով նախատեսված՝ քրեական գործի քննության տարածքային ընդդատությունը փոխելու օրենսդրական հիմքերը:

Ինչ վերաբերում է դատավոր Վ.Ջիվանյանի այն պատճառաբանությանը, որ Գորիս-Սյունիական երկաթուղու միջպետական ավտոճանապարհի փակ լինելու պատճառով ամբաստանյալը և տուժողը չեն կարողանում ներկայանալ դատական նիստերին, ապա նշված հանգամանքը չի կարող հիմք հանդիսանալ քրեական գործի քննության տարածքային ընդդատությունը փոխելու համար: Այդ առնչությամբ հարկ է փաստել, որ Սյունիքի մարզի առաջին ատյանի ընդհանուր իրավասության դատարանի այլ նատավայրերում քրեական գործի քննությունն իրականացնելու հնարավորությունը բացառված չէ, որպիսի պայմաններում առավել արդյունավետորեն հնարավոր կլինի ապահովել գործի ողջամիտ ժամկետում պատշաճ քննությունը: (...)»²:

Վճռարեկ դատարանի քրեական պալատի նախագահի պատճառաբանությունները և եզրահանգումը.

7. Սույն գործով բարձրացված իրավական հարցը հետևյալն է. հիմնավոր է արդյոք Սյունիքի մարզի առաջին ատյանի ընդհանուր իրավասության դատարանի կողմից թիվ ՍԴ1/0024/01/20 քրեական գործի տարածքային ընդդատությունը փոխելու և քրեական գործը Կոտայքի մարզի առաջին ատյանի ընդհանուր իրավասության դատարան ուղարկելու մասին որոշումը:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրելոված անկախ ու անաչառ դատարանի

² Տե՛ս քրեական գործ, հատոր 11-րդ, թերթեր 4-6:

կողմից ողջամիտ ժամկետում արդարացի և հրապարակային դատաքննության իրավունք»:

9.1. Մարդու իրավունքների եվրոպական դատարանը, «*օրենքի հիման վրա սրեղծված դատարան*» հասկացությունը մեկնաբանելիս նշել է. «Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»³:

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁴:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում քաղաքացուն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (19-րդ հոդված), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

³ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁴ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեսելի գործադրումն անհրաժեշտ պայման են կոդմասկի դիտորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁵:

11. ՀՀ քրեական դատավարության օրենսգրքի 50-րդ հոդվածի 1-ին մասի համաձայն՝ «Քրեական գործի տարածքային ընդդատությունը կարող է փոխվել բոլոր մեղադրյալների համաձայնությամբ, եթե տվյալ գործով քրեական դատավարությանը մասնակցող անձանցից շատերը բնակվում են տվյալ առաջին տարանի դատարանի դատական տարածքից դուրս»:

12. Սույն գործի նյութերի ուսումնասիրությունից երևում է, որ՝

- 2023 թվականի մարտի 24-ին ամբաստանյալ Դ.Առուստամյանը միջնորդություն է ներկայացրել Սյունիքի մարզի առաջին ատյանի ընդհանուր իրավասության դատարան՝ խնդրելով թիվ ՍԴ1/0024/01/20 քրեական գործի տարածքային ընդդատությունը փոխել և այն ուղարկել Կոտայքի մարզի առաջին ատյանի ընդհանուր իրավասության դատարան⁶:

Վերոնշյալ միջնորդության դեմ մեղադրող Ա.Գրիգորյանը չի առարկել⁷:

- Համաձայն սույն գործի նյութերի՝ դատավարության մասնակիցներից ամբաստանյալ Դ.Առուստամյանը, տուժող Հ.Գալստյանը և վկա Պ.Կարապետյանը բնակվում են Կոտայքի մարզի դատարանի դատական տարածքում, իսկ տասներկու

⁵ Տե՛ս Վճռաբեկ դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

⁶ Տե՛ս քրեական գործ, հատոր 10-րդ, թերթ 220:

⁷ Տե՛ս քրեական գործ, հատոր 10-րդ, թերթ 241:

վկաների մեծամասնությունը բնակվում են Սյունիքի մարզի առաջին ատյանի ընդհանուր իրավասության դատարանի դատական տարածքից դուրս⁸:

- Սյունիքի մարզի առաջին ատյանի ընդհանուր իրավասության դատարանը, բավարարելով ամբաստանյալ Դ.Առուստամյանի միջնորդությունը, վարույթի ընդդատությունը փոխել և այն Կոտայքի մարզի առաջին ատյանի ընդհանուր իրավասության դատարան է փոխանցել այն պատճառաբանությամբ, որ ամբաստանյալը, տուժողը և վկաներից մեկը բնակվում են ՀՀ Կոտայքի մարզում, իսկ վկաների ճնշող մեծամասնությունը բնակվում են Սյունիքի մարզի առաջին ատյանի ընդհանուր իրավասության դատարանի դատական տարածքից դուրս:

Բացի այդ, Ադրբեջանի Հանրապետության կողմից փակ է պահվում Գորիս-Ստեփանակերտ միջպետական ավտոճանապարհը, որի պատճառով ամբաստանյալը, տուժողը, Հայաստանի Հանրապետությունում բնակվող վկաները չեն կարողանում ներկայանալ ԱՀ Ստեփանակերտ քաղաքում նշանակված դատական նիստերին⁹:

- Կոտայքի մարզի առաջին ատյանի ընդհանուր իրավասության դատարանը, չհամաձայնվելով նշված դիրքորոշման հետ, նշել է, որ ընդդատությունը փոխելու հիմքն առկա չէ, քանի որ քրեական վարույթի մասնավոր մասնակիցների և վկաների մեծամասնությունը չեն բնակվում Կոտայքի մարզում:

Ինչ վերաբերում է դատավոր Վ.Ջիվանյանի այն պատճառաբանությանը, որ Գորիս-Ստեփանակերտ միջպետական ավտոճանապարհի փակ լինելու պատճառով ամբաստանյալը և տուժողը չեն կարողանում ներկայանալ դատական նիստերին, ապա նշված հանգամանքը չի կարող հիմք հանդիսանալ քրեական գործի քննության տարածքային ընդդատությունը փոխելու համար¹⁰:

13. Սույն գործի փաստական հանգամանքները գնահատելով վերոշարադրյալ իրավադրույթների և իրավական դիրքորոշումների լույսի ներքո՝ գտնում են, որ Սյունիքի մարզի առաջին ատյանի ընդհանուր իրավասության դատարանը, ղեկավարվելով ՀՀ քրեական դատավարության օրենսգրքի 50-րդ հոդվածով սահմանված՝ քրեական գործի տարածքային ընդդատությունը փոխելու

⁸ Տե՛ս քրեական գործ, հատոր 9-րդ, թերթեր 36-64:

⁹ Տե՛ս սույն որոշման 5-րդ կետը:

¹⁰ Տե՛ս սույն որոշման 6-րդ կետը:

հայեցողական լիազորությամբ, հաշվի առնելով արդարադատության շահը, այդ թվում՝ գործը ողջամիտ ժամկետում քննելու սկզբունքի ապահովման անհրաժեշտությունը, քրեական գործի տարածքային ընդդատությունը ամբաստանյալի համաձայնությամբ փոխել և գործը Կոտայքի մարզի առաջին ատյանի ընդհանուր իրավասության դատարան է ուղարկել ՀՀ քրեական դատավարության օրենսգրքի պահանջների պահպանմամբ:

14. Միաժամանակ, անդրադառնալով Սյունիքի մարզի առաջին ատյանի ընդհանուր իրավասության դատարանի վկայակոչած՝ Գորիս-Ստեփանակերտ միջպետական ավտոճանապարհի փակ լինելու հանգամանքին՝ ապա թեև այս առումով ընդունելի է Կոտայքի մարզի առաջին ատյանի ընդհանուր իրավասության դատարանի դատողությունը, որ նշվածը քրեական գործի քննության տարածքային ընդդատությունը փոխելու հիմք չէ, սակայն այն սույն դեպքում որոշիչ լինել չի կարող:

15. Ամփոփելով՝ գտնում եմ, որ Սյունիքի մարզի առաջին ատյանի ընդհանուր իրավասության դատարանի կողմից թիվ ՍԴ1/0024/01/20 քրեական գործի տարածքային ընդդատությունը փոխելու և քրեական գործը Կոտայքի մարզի առաջին ատյանի ընդհանուր իրավասության դատարան ուղարկելու մասին որոշումը հիմնավոր է:

Վերոգրյալի հիման վրա, համաձայն 2021 թվականի հունիսի 30-ին ընդունված ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 22-րդ մասի՝ ղեկավարվելով նույն օրենսգրքի 263-րդ հոդվածի 6-րդ մասով՝

Ո Ր Ո Շ Ե Ց Ի

Թիվ ՍԴ1/0024/01/20 քրեական գործն ըստ մեղադրանքի՝ Դավիթ Արարատի Առուստամյանի՝ ՀՀ քրեական օրենսգրքի 34-104-րդ հոդվածի 1-ին մասով, ընդդատյա է Կոտայքի մարզի առաջին ատյանի ընդհանուր իրավասության դատարանին:

ՀԱՄԼԵՏ ԱՍԱՏՐՅԱՆ